



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Reverendi Dom. D.|| Leonardi || Rvbeni SS. Theolo-||giae
Licentiati Abbatis || Ordinis D. Benedicti Mo-||nasterij
Sanctorum Apostolorum Petri & || Pauli Abdinckouensis,
in ciuitate || ...**

Ruben, Leonhard

Padibornae, 600 [i.e. 1600]

VD16 R 3400

Ad Lectorem.

[urn:nbn:de:bvb:12-bsb10194563-1](https://nbn-resolving.org/urn:nbn:de:bvb:12-bsb10194563-1)



AD LECTOREM.



N habes, Christiane Lector, quasi in speculo falsorum prophetarum, & luporum rapacium ex sacris literis Doctorum Ecclesiae & verorum historicorum auctoritate deductum ingenium, Neq; velim à me nõ leuibus alioqui negotijs distentum, hunc laborem alio nomine susceptum arbitrèrè, quàm vt tuę saluti rectè consulerem, vel enim quicumq; hæc legeris, ouis es, vel pastor. Si ouis, vide quibus te venenosis & cruentis bestijs cõmiseris, ni in vnico ouili Ecclesiae Christi constanti animo sub Christi Vicario & D. Petri, cui Dominus oues suas pascendas Ioan. 21. commisit, successore Romano Pontifice, persistas. Si pastor es, pastor inquam, & non vt propheta Zacharias conqueritur, idòlum; habes virgam directionis tuę hoc libello contentam, qua luporum incursum & rabiem ab ouili tibi commisso arceas. Habes peram pastoraalem sacrarum literarum, & Ecclesiae Catholicae Doctorum, ynde medicamenta ouibus, si quibus vulnera cruenta dentibus ferocibus lupinis
intenti-

AD LECTOREM.

intentata sint depromas. Si enim tibi curæ erit animarum tibi cōcreditarum salus, vix aliqua epistola vel aliquod Euangeliū totius anni decursu tibi occurret, vnde nō habeas, si indicem sub finem libelli subiunctum diligenter euolueris, quod de vitandis falsis prophetis pro Cathedra ad populum dicas. Exemplo sit prima Dominica Aduentus, *Fratres, hora est iam nos de somno surgere*, vide in indice litera I. de Iudicij extremo die falsorum prophetarum falsum vaticinium. *Nunc enim propior est nostra salus*. Vide titulum gratiæ. *Quam cum credidimus*. Vide titulum fides. Abijciamus ergo opera tenebrarum, vide opera bona. *Non in Comessationibus*. Vide tit. Comessatores sunt falsi prophetae. *Et ebrietatibus*, Vide tit. Ebrietas falsorum prophetarū. *Non in cubilibus & impudicijs*, vide tit. Libido, & sic de cæteris. Euangelium idem explicaturus, potest tractare super verba, *Misit duos discipulos*, ex tit. Sacerdotum legitima vocatio. *Vt imple-retur quod dictū est per prophetam*. Vide tit. Prophetæ. *Venit tibi mansuetus*, age ex contrario de Tyrannide Anabaptistarum, tit. Anabaptistæ: Lutheri, tit. Lutherus. & sic de cæteris. Hinc etiam quæ ex sacris literis

à me

AD LECTOREM.

à me citantur, certis characteribus notata sunt: neq; tantum numerum capitum, sed & versuum singulorum subiunxi. Si quid verò vehementiùs aut acerbiùs scriptum notaueris, id ipsum nequaquam prauæ alicui animi affectioni, sed amorì veritatis tuendæ, & auctoritati sacrarum literarum quæ acerbiùs in huiusmodi orbis terrarum truculentas bestias inuehuntur, tribuas velim. Demum hanc qualemcunq; operam & in salutem tuam studium boni consule. Datum præcipitanti calamo, in Monasterio SS. Petri & Pauli dicti Abdinckhoff ciuitate Padibornensi. Anno reparatæ salutis 1600. 2. Ianuarij.

*LEONARDVS ABBAS
IBIDEM.*



INDEX